

3186P

4

320

864

4

附

金石例

葉氏睿吾樓文話卷十五

慈谿葉元塏晏爽纂輯

族姪師濂鏡齋叅閱

男金潮靜瀾校字

韓文公銘誌括例

自宦業後偉者叙起而以世系妻子居後

朝散大夫贈司勳員外郎孔君墓誌銘


二十卷

自急流勇退者叙起次履歷家世而以死葬居後

正議大夫尚書左丞孔公墓誌銘

三十卷

自事實叙起次履歷家世子女而以葬年月居後



考功員外郎盧君墓銘二十卷

先叙姓字三代次履歷而以妻子居後

崔評事墓銘二十四卷清邊郡王楊燕竒碑文二十四卷河

南少尹裴君墓誌銘二十四卷國子助教薛君墓誌銘

二十四卷江西觀察使韋公墓誌銘二十五卷國子司業竇

公墓誌銘三十卷太原府參軍苗君墓誌銘三十卷清

河郡公房公墓誌銘二十七卷銀青光祿大夫贈工部

尚書太原王公神道碑二十七卷殿中侍御史李君墓

誌銘二十八卷朝散大夫商州刺史除名徙封州董府

君墓誌二十九卷秘書少監贈絳州刺史獨孤府君墓

誌銘二十九卷檢校尚書左僕射統軍劉君墓誌銘二十九卷

九卷監察御史衛府君墓誌二十九卷河南令張君墓誌

銘二十九卷鳳翔隴州節度使李公墓誌銘二十九卷江南

觀察使中大夫洪州刺史中丞贈常侍太原王公

神道碑銘三十一卷司徒侍中中書令贈太尉許國韓

公神道碑銘三十三卷

先叙家世

興元少尹房君墓誌銘二十五卷集賢校理石君墓誌

銘二十卷河南府王屋縣尉畢君墓誌銘二十卷中散

大夫河南尹杜君墓誌銘二十卷銀青光祿大夫襄

陽郡王平陽路公神道碑銘二十卷故相權公墓銘

三十卷柳子厚墓誌銘二十卷昭武校尉守左金吾衛

將軍李公墓誌銘三十卷朝散大夫尚書庫部郎中

鄭君墓誌銘二十卷朝散大夫越州刺史薛公墓誌

銘二十卷中大夫陝府左司馬李公墓誌銘三十卷號

州司戶韓府君墓誌銘三十卷韓滂墓誌銘三十卷

不書家世而書履歷

李元賓墓銘二十卷

不書家世履歷而言丹砂之害

大學博士李君墓誌銘三十卷

先叙死年月起

施先生墓銘二十卷登封縣尉盧殷墓誌銘二十卷

先叙死者葬地

河東觀察鄭公神道碑文二十卷

先叙姓名履歷而以三代妻子居後

試大理評事王君墓誌銘二十卷江南觀察贈常侍

太原王公墓誌銘三十卷 幽州節度判官贈給事中

張君徹墓誌銘三十卷

無履歷可叙者

處士盧君墓誌銘三十卷 韓滂墓誌三十卷 考功員外

郎盧君墓銘二十卷

僅有初筮可書者

李元賓墓銘二十卷 登封縣尉盧殷墓誌銘三十卷 河

南王屋縣尉畢君墓誌銘二十卷 虢州司戶韓府君

墓誌銘二十卷

叙文詞之盛者

施先生墓銘二十卷 貞曜先生孟郊墓誌二十卷 南陽

樊紹述宗師墓誌銘三十卷

自賜廟叙起

烏氏廟碑銘二十卷 魏博節度觀察使沂國田公先

廟碑銘二十卷

自乞銘叙起

河南少尹李公墓誌銘二十卷 袁氏先廟碑二十卷 貞

曜先生孟郊墓誌二十卷 庫部員外郎張府君墓誌

銘二十卷中散大夫少府監胡良公墓神道碑三十卷

有誌無銘

登封縣尉盧殷墓誌銘二十卷襄陽盧承墓誌銘二十卷

五卷河中府法曹張君墓碣銘二十卷殿中少監馬君

墓誌三十卷貝州司法叅軍李君墓誌銘四十卷太學

博士李君墓誌四十卷

述其妻子之辭朱子謂別是一體此文之變

襄陽盧承墓誌二十卷河中府法曹張君墓碣銘二十卷

五卷虞部員外郎張府君墓誌二十卷殿中少監馬君

墓誌三十卷貝州司法叅軍李君墓誌四十卷

法楊子雲造語洪氏云朱子謂用字奇古

曹成王碑二十卷

王臨川以為銘之奇者

試大理評事王君適墓誌二十卷故幽州節度判官

贈給事中清河張君墓誌三十卷

樓迂齋所取者

殿中少監馬君墓誌三十卷唐故河中府法曹張君

墓誌二十卷

賜廟碑體

烏氏廟碑銘二十卷 魏博節度觀察使沂國田公先

廟碑銘二十卷 袁氏先廟碑二十卷

郡王碑體

清邊郡王楊燕奇碑二十卷 曹成王碑二十卷 銀青光

祿大夫襄陽郡王平陽路公碑二十卷

公相銘誌體

檢校尚書左僕射統軍劉公墓誌銘二十卷 故相權

公墓銘二十卷 清河郡公房公墓碣銘二十卷 司徒兼

待中中書令贈太尉許國韓公神道碑銘二十卷 銀

青光祿大夫贈工部尚書太原郡公王公神道碑

二十卷

節度觀察刺史誌銘碣

河東節度觀察使滎陽鄭公神道碑二十卷 鳳翔隴

州節度使李公墓誌銘三十卷 魏博節度觀察使沂

國田公先廟碑銘二十卷 江南西道觀察使贈左散

騎常侍太原王公神道碑三十卷 又誌銘三十卷 朝散

大夫商州刺史除名董府君墓誌二十卷 秘書少監

贈絳州刺史獨孤府君墓誌銘二十卷 朝散大夫越

州刺史薛公墓誌銘二十卷

御史卿監郎官墓誌博士附

殿中侍御史李君墓誌二十卷 監察御史衛府君墓

銘三十卷 正議大夫尙書左丞孔公弼墓誌三十卷 國

子司業竇公牟墓誌三十卷 中散大夫少府監胡良

公墓神道碑三十卷 殿中少監馬君墓誌三十卷 考功

員外盧君墓銘四十卷 朝散大夫贈司勳員外郎孔

君墓誌二十卷 虞部員外郎張府君墓誌二十卷 朝散

大夫尙書庫部郎中鄭君墓誌三十卷 太學博士李

君千墓誌四十卷 崔評事墓誌四十卷 大理評事王君

墓誌二十卷 集賢院校理石君墓誌二十卷 國子助教

河東薛君墓誌四十卷

州縣官誌銘

中散大夫陝府左司馬李公墓誌四十卷 中散大夫

河南尹杜君墓誌二十卷 柳子厚墓誌三十卷 河南少

尹裴君墓誌二十卷 河南少尹李公墓誌三十卷 興元

少尹房君墓誌二十卷 幽州節度判官贈給事中清

河張君徹墓誌四卷 太原府參軍苗君墓誌五卷

貝州司法參軍李君墓誌四卷 號州司戶韓府君

墓誌三十卷 貞曜先生墓誌二十卷 河南令張君墓誌

三十卷 襄陽盧承墓誌二十卷

處士誌銘

處士盧君墓誌三十卷

幼誌銘

盧渾墓誌三十卷 韓滂墓誌三十卷

宗族媼黨稱呼例

書上代例

其十一世祖殿中侍御史李君誌 其上祖朝散大夫越州刺史薛公誌

七世祖柳子厚誌 六代祖國子司業竇公誌

五世祖江西觀察章公誌 四世祖朝散大夫越州刺史薛公誌

書曾祖例

曾大父崔評事誌裴少尹誌劉統軍等誌 曾祖少尹房公誌尙書左丞孔公誌

大王父清河郡房公誌

書曾伯叔祖例

曾伯祖柳子厚誌

書祖例

大父 崔評事誌裴少尹誌劉統軍等誌 祖 房少尹誌孔左丞誌

王父 清河郡公誌

書父例

父 崔評事誌裴少尹誌劉統軍誌 皇考 正議大夫孔左丞誌

烈考 清河邊郡王楊燕奇碑

書母例

父娶河南獨孤氏女 生二子君其季也 朝散大夫庫部鄭君誌

公之父娶鄉邑劉氏女 生公是為齊國太夫人司徒韓侍中碑

父娶裴氏女 貞曜先生誌

父娶陳留太守薛江童女 殿中侍御史李君誌

母曰太原縣君 虞部員外張府君誌

母夫人燉煌張氏 河南少尹李公誌

公先妣渤海李氏 贈渤海郡太君 察太原王公誌 觀

書伯叔例

世父 伯父也四門博士周况妻韓氏誌註儀禮喪服篇有族曾祖父者曾祖之兄弟也其子為

族祖父其孫為族父其曾孫為族兄弟有從祖祖父者祖父之兄弟也其子為從祖父其孫為從祖兄弟有世父叔父者父之兄弟也其子為從父兄弟今韓公於開封及魏州皆為從父弟

矣於開封之女則
公當為從祖父也

叔父 告於叔父 襄陽郡王路公碑

書伯叔母例

世母 伯母也

書兄弟姊妹例

母兄

君母兄戮某官 常博士 河南少尹杜君誌

孔員外誌

公之母兄太

除名人董

府君誌

歸宗之妹

育幼弟與歸宗之妹處士盧君誌

族弟

因其族弟以來請銘 襄陽郡王路公碑

書姊妹夫例

姊婿

銀青光祿 王公誌

妹婿

愈於處士妹婿 盧處士誌

書妻例

妻彭城人

河中公法 曹張公誌

公之配

彭城劉氏夫人 少尹李公誌

夫人

秘書少監獨 孤府君誌

公娶清河崔氏女

故相權 公誌

公娶其舅女

觀察太原 王公誌

書子男例

能子

是貞能子矣 襄陽盧丞

為後子

仁本為後子獨 存觀察鄭公誌

書女婿例

長女婿

次女婿

觀察太原 王公誌

季女婿

其季女婿韓愈為之誌 盧府君夫人苗氏誌

書舅姑例

姑氏

母抱之置之姑氏以去
中大夫陝府司馬李公誌

尊章

協于尊章扶
風郡夫人誌

書外家例

外高王父至外王父

自外高王父至外王父
銀青光祿大夫王公誌

舅氏

少依舅氏讀書習騎
射司徒韓侍中誌

夫人之兄

生公是為齊國太夫人
夫人之兄曰司徒同上

舅弟

葬子厚於萬年之
墓者舅弟盧遵

職名例

有出身必書例

大父舍液舉進士第官卒河南法曹

參軍苗君誌

父倚舉進士天寶之亂隱居而終

崔評事誌

皇考諱郇以儒學進官至侍御史

河南令張君誌

父宰臣用進士卒官平陽冀氏令贈潭州大都督

中散大夫少府
監胡公神道碑

初予以進士為鄂州從事

太學博士李君下誌

道古進士司門郎刺利隨唐睦徵為少宗正兼御

史中丞以節度督黔中朝京師改命觀察鄂岳蕲

沔安黃

曹成王碑

公一兄三弟常羣庠鞏 常進士水部員外郎胡夔

江撫四州刺史羣以處士徵自吏部郎中拜御史

中丞出帥黔容以卒庠三佐大府自奉先令爲登

州刺史鞏亦進士以御史佐淄青府皆有材名國子

司業實

公誌

有子曰賓明經及第嗣其家業

江西觀察韋公誌

有子男七人初哲貞引泰復泗 初進士及第

哲文學俱善其餘幼也

觀察贈常侍太原王公誌

內職必書例

公會祖諱玄翽尙書膳部郎中歷資簡涇隰四州

刺史

興元少尹房公誌

大父某爲刑部侍郎出刺徐相州

崔評事誌

大父曠御史中丞京畿採訪使

河南少尹裴君誌

大父利貞有名玄宗世爲御史中丞舉彈無所避

由是出爲陳留守領河南道採訪處置使

河南令張

君誌

書除授例

某年拜越州刺史

註或作元和十二年正月二十一日方氏云前已云元和四年

此不當復出年號他銘亦無書除授日月者刺史薛公誌

家世例

書三代例

曾大父知道仕至大理司直大父玄同為刑部侍

郎出刺徐相州父倚舉進士

崔評事誌

曾大父元簡大理正大父曠御史中丞京畿採訪

使父虬以有氣畧敢諫諍為諫議大夫引正大

疑有寵代宗朝屢辭官不肯拜卒贈工部尙書

河南少尹

裴君誌

公會祖諱玄靜尙書膳部郎中歷資簡涇隰四州

刺史太尉之叔父也祖諱肱為虢州司馬父諱

巒都水使者皆名能守家法

房少尹誌

後七世至行褒官至易州刺史於君為曾祖易州

生婺州金華令諱懷一卒葬洛陽北山金華生

君之考諱平為太子家令葬金華墓東而尙書

水部郎劉復為之銘

集賢院校理石君誌

其大王父融王父瑄仍父子為宰相融相天后事

遠不大傳瑄相玄宗肅宗處艱難中與道進退
薨贈太尉流聲於茲父乘仕至秘書少監贈太

子詹事清河郡公房公誌

曾大父諱承慶朔州刺史大父巨敖好讀老子莊

周書為太原晉陽令再世宦北方樂其土俗遂

著籍大原之陽曲曰自我為此邑人可也何必

彭城父訟贈右散騎常侍劉統軍誌

不書三代例

登封縣尉盧殷誌並不書三代

太學博士李君干誌並不書三代

歷書世系例

公諱邢字某雍王繪之後王孫道明唐初以屬封

淮陽王又追王其祖父曰雍王長平王淮陽生

景融景融親益疎不王生務該務該生思一思

一生岌比四世官不過縣令州佐然益讀書為

行為士大夫家岌為蜀州晉原尉生公未晬以

卒陝府左司馬李公誌

書三代及其兄例

曾祖曰希莊撫州刺史贈大理卿祖曰元暉果州流溪縣丞贈左散騎常侍父曰播尚書禮部侍郎侍郎命君後兄據據為尚書水部郎中贈給

事中國子助教河東薛君誌

書三代不名而及其女兒與甥以外戚故書

莊憲皇太后之弟今天子之舅太師之子太尉之

孫司徒之曾孫銀青光祿大夫太子原王公神道碑

不書曾祖而書六代祖及祖及父例

六代祖敬遠嘗封西河公大父同昌司馬比四代

仍襲爵名同昌諱胤生皇考諱叔向官至左拾

遺溧水令贈工部尚書尚書於大歷初名能為

詩文國子司業寶公誌

不書曾祖而書祖書父例

祖曰旭袁州宜春尉父曰媯豪州定遠丞施先生誌

祖子與濮州濮陽令父同舒州望江令考功員外慮君誌

大父知古祁州司倉烈考文誨天寶中實為平盧

衙前兵馬使位至特進檢校太子賓客封引農

郡開國伯世掌諸蕃互市恩信著明夷人慕之

清邊郡王
楊燕奇碑

祖某某官贈某官父某某官贈某官

朝散大夫贈司勳員外郎

孔君誌

大父利貞有名立宗世為御史中丞舉彈無所避

由是出為陳留守領河南道採訪處置使數歲

卒官皇考諱郇以儒學進官至侍御史

河南令張君誌

大父諱秀武后時以文材徵為麟臺正字父宰臣

用進士卒官平陽冀氏令贈潭州大郡督

中散大夫

少府監胡良公神道碑

不書曾祖祖而書六世祖及父例

六世祖孝寬仕周有功以公開號於鄖鄖公之子

孫世為大官唯公之父政卒雒縣丞贈虢州刺

史江西觀察使章公誌

不書曾祖祖而書七世祖及曾伯祖及父例

七世祖慶為拓拔魏侍中封濟陰公會伯祖奭為

唐宰相與褚遂良韓瑗俱得罪武后死高宗朝

皇考諱鎮以事母棄太常博士求為縣令江南

其後以不能媚權貴失御史權貴人死乃復拜

侍御史號爲剛直所與遊皆當世名人柳子厚誌

不書曾祖祖而止書其父例

公諱道古字某曹成王子其先王明以大宗子王

曹絕輒復封五世而至成王成王諱臯有建功

中貞元間以多才能行賞誅爲名至今追數

當時內外文武大臣成王必在其間昭武校尉守左金吾

衛將軍李公誌

常州刺史贈禮部侍郎憲公諱及之第二子憲公

躬孝踐行篤實而辨於文勸飭指誨以進後生

名聲垂延紹德惟克秘書少監贈絳州刺史獨孤府誌

處士諱於陵其先范陽人父貽爲河南法曹叅軍

處士廬君誌

不特書父而書大王父王父伯例

大王父立疎歷御史屬三院止尙書郎生景肅守

三郡終傅涼王生政襄鄧等州防禦使鄂州採

訪使贈吏部尙書公尙書之弟某子江南西道觀察使太

原王公神道碑

書上世并書其母例

其上祖懿爲晉安西將軍實始居河東公之四世
祖嗣汾陰公諱德儒爲隋襄城郡書佐以卒襄
城有子二人皆貴其後皆蕃以大而其季尤盛
官至邠州刺史邠州諱寶胤有子九人皆有名
位其最季諱縑爲河南令以卒河南有子四人
其長諱同卒官湖州長史贈刑部尙書尙書娶
吳郡陸景融女有子五人皆有名蹟其達者四
人公於倫次爲中子

朝散大夫越州刺史薛公誌

書二母例

初司徒公娶河南元氏封穎川郡夫人贈許國夫
人許國薨少府始孩顧託以其姪爲繼室是爲
陳國夫人陳國無子愛君與少府如已生其薨
也君與少府喪之猶實生已親負土封其墓

州刺史馬府君行狀

書三代并書其母例

曾祖匡時晉州霍邑令祖干尋彭州九隴丞父迪
鄂州唐年令娶河南獨孤氏女生二子君其季
也

朝散大夫尙書庫部郎中鄭君誌

其上世有暲者當宇文時為車騎大將軍鄜城太守卒葬河北諡曰忠公至孝權聞五世矣孝權大父諱孝先太子通事舍人父諱庭光贈綏州刺史綏州之卒孝權蓋尙小母曰太原縣君卒既葬孝權守墓樹松柏三年而後歸虞部員外郎張府君

書三代并書其母其舅例

曾祖弘泰簡州刺史祖乾秀伊闕令父燮宣州長史贈絳州刺史母夫人燉煌張氏其舅參有大

名河南少尹李公誌

書父并其母舅不及上三代例

公之父曰海為人魁偉沈塞以武勇遊仕許汴之間寡言自可不與人交衆推以為鉅人長者官至遊擊將軍贈大師娶鄉邑劉氏女生公是為齊國太夫人夫人之兄曰司徒玄佐有功建中貞元之間為宣武軍帥有汴宋毫穎四州之地

兵士十萬人許國公韓宏神道碑

書十一世祖及父及母例不及曾祖祖至書葬方見

其十一世祖冲貴顯拓拔世父惲河南溫縣尉娶

陳留太守薛江童女

殿中侍御
史李君誌

書父及母及兄弟而不及上世例

父庭玠娶裴氏女而選為崑山尉生先生及二季

鄭郢而卒

貞曜先
生誌

書婦女家世例

書三代例

夫人曾祖某綏州刺史祖某潞州別駕父某晉州

錄事參軍

息國夫
人誌

曾大父襲夔贈禮部尚書大父殆庶贈太子太師

父如蘭仕至太子司議郎汝州司馬

河南府法
曹盧府君

夫人苗
氏誌

書祖書父及其舅其夫例

夫人姓盧氏范陽人亳州城父丞序之孫吉州刺

史撤之女嫁扶風馬氏為司徒侍中莊武公之

冢婦少府監西平郡王贈工部尚書之夫人

扶
風

郡夫
人誌

書父及其夫其子例

楚國夫人姓翟氏故檢校御史大夫宋州刺史良
佐之女今司徒兼中書令許國公之妻前鄜坊
節度使散騎常侍兼御史大夫公武之母

楚國夫人

書兄弟例

書兄及弟例

公之昆季五人載戡讎戮公於次為第二

正議大夫尚書

左丞孔公郊誌

書妻例

書妻及曾祖祖不書妻之父例

公之配曰彭城劉氏夫人夫人先卒其葬以夫人

耐夫人曾祖曰子玄祖曰餗皆有

大名河南少尹李公

誌

書妻及妻之祖父不書妻曾祖例

妻彭城人世有衣冠祖好順泗州刺史父涿卒斬

州別駕

河中府法曹張君誌

夫人天水權氏贈太子太保貞孝公臯之承孫故

相今太常德興之女眉慶配良是似是宜

秘書少監

贈絳州刺史獨孤府君誌

書妻及妻之父不及其曾祖祖例

夫人博陵崔氏少府監頽之女河南少尹裴君誌

夫人常山郡君張氏彭州刺史贈禮部侍郎旣之

女生子男三人中散大夫河南尹杜君誌

妻范陽盧氏鄧滑節度使兼御史大夫羣之女與

君合德親戚無退一言殿中侍御史李君誌

書妻及妻之父及曾伯父例

夫人博陵崔氏朝邑令友之之女其曾伯父玄暉

有功中宗時夫人高明遇子婦有節法進見侍

側肅如也中大夫陝府左司馬李公誌

書妻及妻叔祖不書其祖父例

娶彭城劉氏女故相國晏之兄孫生男二人集賢院校

理石君誌

不書妻祖父例

妻鄭氏也崔評事誌

夫人河南胡氏號太原郡夫人工部尚書太原郡公神道碑

君娶河東柳氏女河南令張君誌

公娶其舅女有子七人觀察使贈常侍太原王公誌

娶滎陽鄭氏女生男六人興元少尹房公誌

妻曰太原王氏先先生卒施先生誌

夫人李姓隴西人君在配君子無違德君歿訓子

女得母道甚後君二十年年六十六而終考功員外

盧君誌

因葬書妻例

其妻清河張氏以其年十二月丙寅葬君于洛陽

平陰之原太原府參軍苗君誌

因耐葬書妻例

夫人滎陽鄭氏耐銀青光祿大夫平陽路公碑

奉先夫人天水趙氏耐中散大夫少府監胡公神道碑

楚國夫人翟氏耐許國公韓弘神道碑

書再娶例

夫人隴西郡夫人李氏清夷郡太守祐之孫漁陽

郡長史獻之女柔嘉淑明先公而殂有男四人

女三人後夫人河南郡夫人雍氏某官之孫某

官之女有男一人女二人咸有至性純行清邊郡王

楊燕奇碑

書三娶例

公三娶元配韋氏諱脩脩生子紘紘為進士學女
貢嫁崔氏夫人隋雍州牧郎公叔裕五世孫父
士侗蓬山令次配崔氏諱藹生綽紹綽女會嫁
鄭氏季昆夫人父昭嘗為京兆尹今夫人韋氏
無子父光憲光祿卿其葬用古今禮以元配韋
氏夫人祔而葬次配崔氏夫人於其域異墓昭武
校尉守左金吾
衛將軍李公誌

書婦德例

胤慶配良是似是宜

秘書少監贈絳州
刺史獨孤府君誌

賢有法度

朔隴州節
度使李公誌

孝順祗修羣女效其所為

幽州節度判官贈給
事中清河張君誌

與君合德親戚無退一言

殿中侍御
史李君誌

有賢行侍君疾逾年不下堂食菜飲水藥物必自

擇將進輒先嘗方書本草恒置左右

贈絳州刺
史馬府君

狀行

書子女例

書子女不名例

有男八人女二人殿中少監馬君誌

有子二人女二人崔評事誌

有子六人女子一人銀青光祿大夫太原郡王公神道碑

凡產四男五女男生輒卽死國子助教河東薛君誌

生男輒死卒無子女一人學浮屠法不嫁爲比丘

尼云登封縣尉盧殷誌

子書名女不書名例

男三人長曰初協律次曰彪其幼曰還適三歲女

子九人殿中侍御史李君誌

男三人暢申易女三人皆嫁爲士人妻考功員外盧君誌

生男二人八歲曰壬四歲曰申女子二人集賢院石君誌

子女並書名例

有男十歲曰義女九歲曰孟處士盧君誌

書子女及婿例

生男六人其長曰次卿次卿有大才不能俯仰順

時年四十餘尙守京兆興平尉然其友皆曰房

氏有子也次曰次公次膺次回次衡次元始學

而未仕女三人皆嫁爲士人妻興元少尹房君誌

書壻姓名例

生三子一男二女男三歲夭死長女嫁亳州永城

尉姚挺其季始十歲

大理評事王君誌

生六子四男二女長曰全正惠而蚤死次日居中

好學善為詩張籍稱之次曰從直曰居敬尙小

長女嫁吳郡陸賜

除名人董府君誌

有四子長曰溫質四門博士遵孺遵憲溫裕皆明

經女子長嫁中書舍人平陽路隋其季者幼

正議

大夫尚書左丞孔公誌

書子女壻及外孫例

七男三女邠為澄城主簿其嫡激鄜城令放芮城

尉漢監察御史漉洸潘皆進士及公之存內外

孫十有五人

中大夫陝府左司馬李公誌

書異母子女例

始娶范陽盧氏女生仁本仁約仁載皆有文行二

季舉進士皆蚤死仁本為後子獨存後娶趙郡

李氏生三女二夫人凡三男五女

河東節度鄭公神道碑

初娶吏部侍郎京兆韋肇女生二女一男長女嫁

京兆韋詞次嫁蘭陵蕭儻後娶河南少尹趙郡

李則女生一女二男其餘男二人女四人皆幼

嗣子退思章氏生也朝散大夫尚書庫部郎中鄭君誌

公有四子長曰元孫三原尉次曰元質彭之濛陽

尉曰元立興平尉曰元本河南叅軍皆愿敏好

善元立元本皆崔氏出鳳翔隴州節度使李公誌

書子而無女例

子曰友直明州鄞縣主簿曰友諒大廟齋郎施先生誌

其子越能輯父事無失謹謹致孝清河郡公房公暮碣

長子殿中丞繼祖孝友以類扶風郡夫人誌

既葬其子監察御史璩纍然服喪來有請故相權公誌

書子女年歲例

男三人環質皆既冠其季始六歲曰充郎河南少尹裴君

詩

男子二人長曰某蚤死次曰天官始十歲有至性

聞呼父官與聞弔客至輒號泣以絕女子一人

秘書少監贈絳州刺史獨孤府君誌

書女出家例

六一人學浮屠法不嫁爲比丘尼云

登封縣尉盧殷誌

女子三人其長學浮屠法爲比丘尼其季二人未

嫁河南府王屋縣尉畢君誌

書子女生於死後例

男三人執規執矩必復其季生君卒之三月

太原府參

軍苗君誌

子厚有子男二人長曰周六始四歲季曰周七子

厚卒乃生女子二人皆幼

柳子厚誌

書過房子例

父曰播尚書禮部侍郎命君後兄據自給事

至君後再絕皆有名遺言曰以公儀之子已已

後我國子助教河東薛君誌

子男二人長曰肅元某官次日公武某官肅元蚤

死公之將薨公武暴病先卒公哀傷之月餘遂

薨無子以公武子孫紹宗爲主後

許國公韓弘神道碑

書子文學材質例

戲強以肅成敏以和

息國夫人誌

好善學文能謹謹致孝述父之志曲而不贖

國子司業

竇公誌

雖皆幼侍疾居喪如成人贈絳州刺史馬君行狀

書無子例

唐元和九年歲在甲午八月己亥貞曜先生孟氏

卒無子貞曜先生誌

葉氏睿吾樓文話卷十五終

葉氏睿吾樓文話卷十六

慈谿葉元塏晏爽纂輯

族姪師濂鏡薈參閱

男金泉醴淵校字

書死例

書死于官著年月日例

貞元十八年十月十一日太學博士施先生士丐

卒其僚太原郭伉買石誌其墓昌黎韓愈為之

辭施先生誌

疾病改河南少尹輿至官若干日卒實元和三年

四月二十三日享年五十

河南少尹裴君誌

元和七年二月一日河南少尹李公卒年五十八

河南少尹李公誌

年六十一以元和六年二月二日卒於官

河南府王屋縣

尉畢君誌

書死于官不書年月日例

年若干而終在官舉其職

考功員外盧君誌

年七十三以其官終

興元少尹房公誌

以疾卒官年五十九

清河郡公房公誌

公在相位三年其後以吏部尚書授節鎮山南年

六十以薨贈尚書左僕射諡文公

故相權公誌

書死于家著年月日例

使者未復命以十五年五月五日寢疾終于家年

五十有六矣

崔評事誌

十四年年六十一五月某日終于家

清邊郡王楊燕奇碑文

明年長慶四年正月己未公年七十四告薨於家

贈兵部尚書

正議大夫尚書左丞孔公誌

書死于中道外州著年月日例

元和四年秋有事適東方既還八月壬辰死于汴

城西雙邱年四十有七河中府法曹張君墓碣

元和五年正月將浴臨汝之湯泉壬子至其縣食

遂卒年五十七朝散大夫孔君誌

行及揚州遇疾居月餘以長慶元年八月二十四

日卒春秋六十朝散大夫尚書庫部郎中鄭君誌

書死于中道外州不書年月日例

年二十九客死于京師李元廣誌

張君諱季友字孝權年五十四病卒東都虞部員外郎張

府君誌

至南海未幾竟死年五十三監察御史衛府君誌

書病死例

元和四年年四十七二月十四日暴疾卒國子助教河東

薛君誌

年四十有二元和二年六月辛巳暴病卒太原縣軍苗君

誌

疽發背六月乙酉卒年五十二殿中侍御史李君誌

年七十四長慶二年二月丙寅以疾卒國子司業竇公誌

命且下遂病以卒年若干

南陽樊紹述誌

校理集賢御書明年六月甲午疾卒年四十二

集賢

院校理右君誌

在鎮三年以疾乞歸復拜司徒中書令病不能朝

以長慶二年十二月三日薨於永崇里第年五

十八天子為之罷朝三日贈太尉

許國公韓弘神道碑

年若干元和七年甲子日南至以疾卒

息國夫人誌

書不病而死例

元和四年十一月二十二日無疾暴薨年六十

中散

大夫河南府尹杜君誌

書死而不書死之地例

春秋五十八薨於元和五年八月六日

江西觀察章公誌

年三十七以卒

殿中少監馬君誌

子厚以元和十四年十一月八日卒年四十七

柳

厚誌

書死而不書死之歲月例

年三十七以卒

殿中少監馬君誌

書生死年月日例

生元和四年年三十七二月十四日疾暴卒國子助教

河東薛君誌

書死不書病例

貞元十九年四月四日卒於東都敦化里年六十

有九河南府法曹盧府君夫人苗氏誌

書死為薨例

元和五年尚書薨夫人哭泣成疾後二年亦薨年

四十有六扶風郡夫人誌

夫人以元和十四年十一月一日薨于廊之公府

書葬例

春秋若干大夫委節去位奉喪以居東都詔起之辭以羸毀不仕即命又加喻勉楚國夫人翟氏誌

書敕葬例

在鎮三年以疾乞歸復拜司徒中書令病不能朝以長慶二年十二月二日薨于永崇里第年五十八天子為之罷朝三日贈太尉賜布粟其葬物有司官給之京兆尹監護許國公韓弘誌詔所在給船輿傳歸其家賜錢物以葬長慶四年

四月某日其妻子以君之喪葬于某州某所州

節度判官贈給事中張君誌

書詔許還葬例

長慶元年詔曰左降而死者還其官以葬遂以某

年某月日葬于東都某縣昭武校尉守左金吾衛將軍李公誌

明年立皇太子有敕令許歸葬其子居中始奉喪

歸元和八年十一月甲寅葬于河南河南縣萬

安山下太師墓左除名人董府君誌

書自他州返葬例

於歛之二十日其妻與其子以君之喪旋葬于汝

州其二月某日遂葬于某縣某鄉某原崔評事誌

四月己酉其兄右拾遺朗以喪東葬河南壽安之

甘泉鄉家塋憲公墓側將以五月壬申窆秘書少監

贈絳州刺史獨孤府君誌

明年兄子塗與其弟庾揆等護柩歸葬長安縣馬

額原夫人北海唐氏之封虞部員外郎張府君誌

元和十年十二月某日歸葬河南某縣某鄉某村

祔先塋監察御史衛府君誌

以十五年七月十日歸葬萬年先人墓側厚誌

書葬他州例

初君樂號之土田山水求掾其州去官猶家之既

卒因以其年九月某日葬州北十里崔長史墓

西 號州司戶 韓府君誌

三日而歛既歛七日權葬宜春郭南一里嗚呼其

可惜也已韓滂誌

書葬祖父墓域例

歛之三月某甲子葬河南伊闕嗚臯山下 自簡

州而下皆葬嗚臯山下河南少尹 李公誌

其年十月戊申葬河南洛陽縣距其祖澠池令府

君僑墓十里殿中侍御 史李君誌

十月庚申樊子合凡贈賻而葬之洛陽東其先人

墓左以餘財附其家而供祀貞曜先生誌

卽以其年十一月二十二日從葬於鄭州廣武原

先人之墓次朝散大夫尚書庫 部郎中鄭君羣誌

其年八月某日葬河南偃師先公尚書之兆次子國

司業竇 公誌

書夫耐妻墓例

某月二十六日穿其妻墓而合葬之在其縣某地

太學博士
李君子誌

其年閏三月二十一日弟試太子通事舍人公儀

京兆府司錄公幹以君之喪歸以五月十五日

葬于京兆府萬年縣少陵原合耐王夫人塋子國

助教薛
君誌

書妻耐夫墓例

嗣子通王屬良禎以其年十月庚寅葬公子開封

縣魯陵岡隴西郡夫人李氏耐焉清邊郡王
楊燕奇碑

九年正月癸酉耐于其夫之對扶風郡
夫人誌

明年八月十四日葬京兆奉先夫人天水趙氏耐

焉中散大夫少府
監胡良公碑

書合葬例

年若干而終在官舉其職夫人姓李隴西人君在

配君子無違德君歿訓子女得母道甚後君二

十年年六十六而終 君祖子輿濮州濮陽令

父同舒州望江令夫人之祖延宗鄆州司馬父

進成鄜州洛交令

考功員外
盧君銘

貞元十七年九月丁卯隴西李翱合葬其皇祖考

貝州司法叅軍楚金皇祖妣清河崔氏夫人于

汴州開封縣某里昌黎韓愈紀其世著其德行

以識其葬其世曰由梁武昭王六世至司空司

空之後二世為刺史清淵侯由侯至于貝州凡

五世其德行曰事其兄如事其父其行不敢有

出焉其夫人事其妣如事其姑其於家不敢有

專焉 其葬曰翱既遷貝州君之喪于貝州殯

于開封遂遷夫人之喪于楚州八月辛亥至于

開封壙于丁巳墳于九月辛酉窆于丁卯貝州
司法

叅軍李
君誌

書各葬例

其年八月甲申從葬河南河陰之廣武原卜人曰

今茲歲未可以祔從卜人言不祔朝散大夫贈
司勳員外郎

孔君
誌

書因某人歸葬例

既歛之三日友人博陵崔弘禮葬之于國東門之

外七里鄉曰慶義原曰嵩原友人韓愈書石以誌之李元寶誌

書本月內葬例

卒三日葬河南縣北十五里愈率婦孫視窆封乳

誌

以其月二十五日從葬偃師之土婁河南府王屋縣尉畢君誌

書本年內葬例

墓在河南緱氏縣梁國之原其年月日元和二年

二月十日云考功員外盧君誌

其年七月某日耐于法曹府君墓在洛陽龍門山

河南府法曹參軍盧府君夫人苗氏誌

其妻清河張氏以其年十二月丙寅葬君子洛陽

平陰之原太原府參軍苗君誌

書明年葬例

明年葬京兆萬年少陵原鎮青光祿大夫襄陽郡王平陽路公誌

明年二月葬河南偃師河中府法曹張君誌

明年二月甲午從葬懷州中散大夫河南尹杜君誌

明年七月壬寅從葬萬年縣少陵原江西觀察章公誌

特書某年葬例

長慶二年三月某日葬夫人于洛陽北山楚國夫人翟氏

誌

以四年二月某日葬于河南某縣先塋之側江西觀察

常侍太原王公誌

不書年月日例

卽葬于其地烏氏先朝碑

不書葬地例

樊紹述既卒且葬南陽樊紹述誌

書某月幾日不書甲子例

其二月某日遂葬于某縣某鄉其原崔評事誌

以五月十五日葬于京兆府萬年縣少陵原國子助教

薛君誌

遂以其月十四日合葬河南緱氏之高龍原興元少尹

房公誌

書某月甲子卽不書幾日例

以其年十月庚寅葬公于開封縣曾陵岡清邊郡王楊燕

碑奇

卜葬得公卒之四月壬寅遂以其日葬東都芒山

之陰杜翟村

河南少尹
裴君誌

於其年九月乙酉其弟渾以家有無葬以車一乘

於龍門山先人兆

處士盧
君誌

其年十月戊申葬河南洛陽縣

殿中侍御
史李君誌

黃梨洲金石要例

附

碑版之體至宋末元初而壞逮至今日作者既張王
李趙之流子孫得之以答賻奠與紙錢富馬相為出
入使人知其子姓婚媾而已其壞又甚于元時似世

系而非世系似履歷而非履歷市聲俗軌相沿不覺
其非元潘蒼崖有金石例大段以昌黎為例顧未嘗
著為例之義與壞例之始亦有不必要例而例之者如
上代兄弟宗族媼黨有書有不書不遇以著名不著
名初無定例乃一一以例言之余故摘其要領稍為
辯正所以補蒼崖之缺也

書合葬例

婦人從夫故誌合葬者其題只書某官某公墓誌銘或
墓表未有書暨配某氏也張說為蕭灌神道碑云南城

侯之夫人同刻碑銘其題贈吏部尙書蕭公神道碑其妻韋氏書事實於內題則不列楊炯爲王義童神道碑其子師本陪葬亦不別爲標題自唐至元皆無夫婦同列者此當起于近世王慎中集中如處士陳東莊公暨配黎氏墓表蓋不一而足也

婦女誌例

婦女之志以夫爵冠之如某官夫人某氏或某官某人妻某氏庾信陳子昂張說獨孤及皆然若子著名則以子爵冠之如柳子厚爲王叔文母誌書戶部侍郎王公

先太夫人河間劉氏婦人後夫而死者其葬書附葬權德輿集中宏農楊氏河東縣君柳氏博陵縣君崔氏皆如此例

書名例

碑志之作當直書其名字而東漢諸銘載其先代多只書官唐宋名人文集所志往往只稱君諱某字某使其後至於無考爲可惜

稱呼例

名位著者稱公名位雖著同輩以下稱君者舊則稱府

君昌黎集中有董府君獨孤府君張府君衛府君盧府君韓府君有文名者稱先生如昌黎之稱施先生貞曜先生皇甫湜之稱昌黎韓先生友人則稱字如昌黎之于李元賓樊紹述張孝權元姚牧菴稱趙提刑夫人爲楊君則變例也

墓誌無銘例

墓誌而無銘者蓋叙事卽銘也昌黎張圓之誌云叙次其族世名字事始終而銘曰云云蓋所謂誌銘者通一篇而言之非以叙事屬志韻語屬銘猶如作賦者末有

重曰亂曰總之是賦不可謂重是重亂是亂也故無銘者猶賦之無重無亂者也正考甫之鼎銘云一命而僂再命而偃三命而俯循牆而走亦莫敢余侮饘于是粥于是以餬余口比于銅盤曰右林左泉後岡前道萬世之寧茲焉是保漢滕公石銘曰佳城鬱鬱三千年見白日吁嗟滕公居此室此有韻之銘也季札之喪孔子銘其墓曰嗚呼有吳延陵季子之墓衛孔悝鼎銘曰六月丁亥公假于太廟公曰叔舅乃祖莊叔左右成公成公乃命莊叔隨難于漢陽卽宮于宗周奔走無射啟右獻

公獻公乃命成叔纂乃祖服乃考文叔興舊耆欲作率
慶士躬恤衛國其勤公家夙夜不懈民咸曰休哉公曰
叔舅予女銘若纂乃考服悝拜稽首曰對揚以辭之勤
大命施于烝彝鼎此無韻之銘也古來原有此兩樣墓
表神道碑俱有銘有不銘

單銘例

叙事卽在韻語中昌黎房使君鄭夫人殯表大理評事
胡君墓銘盧渾墓誌銘

墓表例

墓表表其人之大畧可以傳世者不必細詳行事如唐
文通先生宋明道先生之表是也。

歐文胡瑗石曼卿墓表皆不書子姓今制三品以上神
道碑四品以下墓表銘藏于幽室人不可見碑表施于
墓上以之示人雖碑表之名不同其實一也故墓表之
書子姓墓表之有銘不可謂非也自有墓表更無墓碣
則墓表之製方跌圓首可知矣故與碑分品級柳州稱
神道表神道與墓無品級之可分也

神道碑例

柳州葬令曰凡五品以上爲碑龜趺螭首降五品爲碣方跌圓首此碑碣之分是凡言碑者卽神道碑也後世則碣亦謂之碑矣豈以神道二字重于墓乎地理家以東南爲神道蘇瓌碑建于瑩北一十五里亦曰神道碑宋孫何碑解云班固有泗亭長碑文蔡邕有郭有道陳大丘碑文其文皆有序冠篇末則亂之以銘未嘗以碑爲文章之名也迨李翱爲高愍女碑羅隱爲三叔碑梅先生碑則所謂序與銘皆混而不分集列其目亦不復曰文戾孰甚焉今當如班蔡之作存序與銘通謂之文

可也

楊炯爲成知禮神道碑其碑銘之後有系曰若楚詞別自一體

婦人妃主亦稱神道碑如張說和麗妃息國長公主李華東光縣主楊綰郭汾陽夫人是也

行狀例

行狀爲議謚而作與求志而作者其體稍異爲謚者須

將謚法配之可不書婚娶子姓

昌黎狀董晉亦書子姓

柳州狀段

太尉狀柳渾是也爲求文者昌黎之狀馬韓柳州之狀

陳京白香山之狀祖父是也

婦女行狀例

王魯齋曰衛公叔文子卒其子請謚于君曰日月有時將葬矣請所以易其名者請謚之詞意者今世行狀之始也自唐以來有官不應謚亦爲行狀者將求名世之士爲之誌銘而行狀之本意始反矣觀昌黎廬陵東坡三集銘人之墓最多而行狀共不過五篇而婦人不爲也又知婦人之不爲行狀之意亦明矣按江淹爲宋建太妃周氏行狀任昉裴野皆有婦人行狀非婦人不爲

行狀也

行述例

歐陽玄銘曾秀才云行述似翁所作李木魯翀作姚天樞神道碑云其子侃以公行實徵錄歐陽發作事跡此皆與行狀名異而實同也今既有行實又有行狀無乃重出乎

誄例

誄亦納于壙中故柳州虞雀鳴誄云追列遺懿求諸后土誌銘亦可謂之誄元鄭師山爲洪頤墓誌銘云其門

人俞溥狀其言行俾爲之誄以識其葬

子孫爲祖父行狀例

今人爲其父行狀稱父之父爲王父王父之父稱爲曾王父曾王父之父稱爲高王父非也稱謂當以父爲主故穆員狀父云高祖宏遠曾祖固禮祖思恭考元休未嘗以員之自稱易之孫逖父銘陳子昂父志皆如之

碑誌煩簡例

誌銘藏于壙中宜簡神道碑立于墓上宜詳然范仲淹爲神世衡志數千餘言韓維志程明道亦數千言東坡

范蜀公志五千餘言唯昌黎煩簡得當

先廟碑例

先廟碑見於昌黎集中者皆叙立廟之由本其得姓之始祖功宗德而已至元則侈大其子孫於祖宗反畧焉先塋先德昭先等碑名雖不同其義一也宋景濂爲單氏先塋碑銘云公之勲業不附先德之後何以白前人積累之深雖昧於造文之體不暇卹也當知碑先德而後子孫者非文之正體矣

書祖父例

蔡邕祖攜碑云攜字叔業曾祖父勲攜生稜稜生邕邕
至勲連身六世故後漢邕傳稱勲爲六世祖而唐穆員
爲其父誌高祖上一世則稱五代祖陳子昂志父墓五
世祖太樂生高祖方慶方慶生曾祖湯湯生祖通通生
皇考辯柳州父神道表六代祖慶五代祖旦高祖楷蘇
子美父誌亦然此當從後

范育呂和叔墓表稱曾祖爲皇考祖爲王考庾承宣爲
田布碑稱曾祖爲王大父柳州柳府君墳前石表辭稱
高祖王父曾祖王父祖王父

不書子婦例

女子重所歸故壻多書子婦例不書楊炯爲曹通神道
碑載子婦一人以其陪窆于塋內也裴抗爲田承嗣神
道碑載子婦二人以其爲公主也而宋之黃裳誌夫人
黃氏男三長曰淳娶孫氏次曰昱娶楊氏少曰延娶張
氏楊慈湖誌舒元質云生子五人曰鈇叔晦壻曰鉦娶
袁氏曰銑簡女女焉曰錯娶趙氏曰鏐叔和之壻也方
大琮誌其父云大輿娶溫陵趙奉直不劬之女大琫娶
福唐林簡肅粟之孫女大鏞娶薛左史元昇之孫女誌

林景說云男榮公聘王氏誌徐母趙氏云子庭蘭娶俞料院某之孫女此外諸家文集亦不多見至元而古法蕩然闡復廣平王碑元明善淇陽王碑無不書子婦矣

子女不分書所出例

子女皆統于父雖異母而不分書所出在唐如權德輿誌李巽三夫人四子不言某屬某氏楊綰作郭汾陽夫人神道碑六子八女俱書夫人下在宋歐公誌蘇子美先娶鄭氏後娶杜氏三子誌梅舜俞初娶謝氏再娶刁氏子男五人女二人溫公誌呂獻可始娶張氏後娶時

氏四子六女荆公志葛源元配孫氏繼配盧氏三子一女誌蘇安世娶葉氏又娶某氏子四人女子五人誌李宗辯男十五人女十九人俱書夫人季氏下是皆以父爲主不必分屬之母此定例也然婦無別志卽附見夫志之內者前後夫人不妨分屬子女如昌黎碑楊燕奇夫人李氏有男四人女二人後夫人雍氏有男一人女二人志昭武李公三娶元配章氏生子絃女貢次配崔氏生綽紹綰今夫人無子白樂天之志元微之穆員之志鄭叔則皆用此例迨元姚牧菴碑姚樞書子女某出

某出虞伯生志牟應龍亦書某出張起岩狀張宏夫人
趙氏姜氏二子元節趙出元里姜出此非古法之所有
也

婦人誌書子女例

婦人之志非其所生者不書臨川誌曾易占子男六人
畢鞏牟宰布肇女九人其志夫人吳氏子男三鞏牟宰
女一

妾不書例

婢妾所生之子書其子不書其母如昌黎志李郝云夫

人博陵崔氏七男三女邠爲澄城主簿其嫡激鄜城令
放芮城尉漢監察御史漣沈潘皆進士是崔氏所生只
激一人其六人皆不書其母誌李惟簡云夫人崔氏公
有四子長曰元孫次曰元質元立元本元立元本皆崔
氏出其二子皆不書其母誌鄭君云初娶韋肇女生二
女一男後娶李則女生一女二男其餘男二人女四人
其餘者蓋婢妾所生故不書其母李定母仇氏王文公
爲李開誌書定于正室浩氏之下不書仇氏古例皆然
至元而壞之劉敏中忠獻碑書妾李謙爲張文謙神道

碑書側室姚牧菴阿力海涯碑書如夫人潘澤碑子希
永他室李出蘇天爵高文貞碑銘子男三人履恒麻夫
人出益側室王氏出耶律有尙碑子男五人長楷次樸
次權皆伯德夫人出也次栝次檢庶也宋景濂方愚菴
墓版文稱妾爲少房

不書子姓及妻例

周隋碑志多不書子姓并不書配其時夫婦各自爲志
故不書至于合葬者夫人必書如庾子山之段永司馬
裔柳霞侯莫陳道生字文顯和諸碑是也後來歐陽爲

石守道志不書妻某氏子某名尹師魯亦不書子名有
書子不書妻周隋間多有之至唐如孫逖誌李嵩獨孤
及志姚子彥皆然

單書嗣子例

周隋之碑單書嗣子未嘗人人而書也觀庾子山諸碑
司馬裔但書世子侃長孫儉但書墩等兄弟紇于去但
書世子恭等崔說但書世子洪度辛威但書世子永達
段永但書世子岌唐權文公爲伊慎神道碑但書冢嗣
餘書息男十六人

書孫曾例

昌黎碑誌只書子女更無書孫者孫逖爲杜義寬碑書孫以表其墓權文公爲王端碑書孫以其葬王父白樂天碑崔孚書孫以其求女張曲江爲呂處真書其孫女爲李仁瞻書其孫李廻秀爲裴希惇書其孫皆以立碑故其他皆不書也至宋則皆書孫矣不特孫也且及于曾孫矣廬陵蘇明允誌書孫曾子固誌錢純老書孫東坡狀溫公書孫子固誌沈率府子三人某某孫八人某某曾孫二人某某東坡范蜀公誌書曾孫女虞伯生碑

張宏範書孫六人某官某曾孫十一人某官某

書孫壻例

葉水心臧氏誌書孫壻虞伯生狀董文用孫女十人長適某次適某某馬石田銘劉百戶孫女四人一適某一適某唐時孫壻不敢入碑志或列之碑陰與先友一例權文公之碑王光謙是也

書外甥例

王文公仁壽縣太君徐氏誌書外孫四十七人

孫不宜分屬例

今世書孫又各於孫下系以某子所出爾雅曰男子謂姊妹之子爲出公羊傳曰蓋舅出以鄙世子巫與魯襄公俱是莒外孫同所自出故凡言出者因母姓而云也今以出屬之于父不通甚矣且父在則孫俱屬之父不私爲一己之有也

不書壻祖父例

女之所適但書壻之姓氏不當及壻之祖父也元明善誌袁夫人史氏書女長適宋相史莊肅公嵩之之孫似伯次適工部尙書余天任之孫昌期次適宋資政殿大

學士史岩之之孫益伯以顯宦著名故變例書之蘇天爵志袁文清女四人其二人書適故觀文殿大學士趙某孫由錫適故相史忠定王玄孫公偁其二人書適同知袁州路總管府事趙孟貫適處州儒學錄余應槩二書祖父二不書者以著名不著名也然已爲濫惡今世不論馬醫夏畦一概書某某之子若孫某不知何謂也

書生卒年月日例

凡書生卒止書某年某月某日不書某時

書國號例

凡書出仕於前代稱其國號當代稱皇柳州柳渾陳京
狀是也

書妻變例

張景妻唐氏再適宋祁載之

書女變例

韓文公三女其長女初適李漢改適樊宗懿誌書壻左
拾遺李漢聳集賢校理樊宗懿次女許嫁陳氏三女未
笄聳卽壻之別名此皇甫持正變例也

塔銘例

柳州云凡葬大浮圖無窆穴其於用碑不宜然柳州之
爲浮圖碑多矣今釋氏之葬不曰碑銘而曰塔銘者猶
存不宜用碑之義也

書僧臘例

今之爲塔銘者于其終也書僧臘若干世壽若干因話
錄云釋氏結夏隨其身之輕重以臘爲其人解夏之後
以本身驗于蠟人輕則爲妄想耗其氣血矣今作伏臘
之臘失其義矣柳州書爲僧凡若干年其壽若干或凡
年若干爲僧若干期

僧稱公例

凡僧稱某公皆以其名宋景濂撰銘可案也今乃以其字稱公此村野驅鳥所爲奈何文章家因之

寺碑例

宋景文筆記云碑者施于墓則下棺施于廟則繫牲古人因刻文其上今佛氏揭大石鏤文士大夫皆題曰碑銘何耶案儀禮碑在堂下三分庭之一當碑揖宗廟路寢庠序皆有碑所以識日景是不特繫牲而用也碑于釋氏無礙名義如王簡栖頭陀寺碑文其來已久矣

銘法例

祭統銘之義稱美而不稱惡此孝子孝孫之心也故昌黎云應銘法若不應銘法則不銘之矣以此寓褒貶于其間然昌黎之于子厚言少年勇於爲人不自貴重誌李千單書服秘藥一事以爲世戒誌李虛中亦書其以水銀爲黃金服之冀不死誌王適書其謾侯高事誌李道古言其薦妄人柳泌皆不掩所短并截然諛墓者也



